



Na osnovu člana 13. stav 1. tačka c. Zakona o pripadnosti javnih prihoda u Federaciji BiH („Službene novine Federacije BiH”, broj: 22/06, 43/08, 22/09), člana 36. i 37. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj: 49/06, 51/09) i člana 19. stav 1. tačka 6. Statuta Općine Breza („Službeni glasnik Općine Breza”, broj: 8/09 - Prečišćeni tekst), Općinsko vijeće Breza, na sjednici održanoj dana _____. 2018. godine, donosi

O D L U K U

o izmjenama i dopunama Odluke o općinskim administrativnim taksama

Član 1.

Ovom Odlukom vrše se izmjene i dopune Odluke o općinskim administrativnim taksama („Službeni glasnik Općine Breza”, broj: 14/14 – Prečišćeni tekst).

Član 2.

U članu 5. stav 1. tačka 1. iza riječi „predaje“ ostaje zarez, a ostatak teksta se briše.

Član 3.

Član 8. se briše.

Član 4.

U članu 10. stav 1. riječ „15“ zamjenjuje se riječju „8“.

Član 5.

U članu 12. stav 1. iza alineje 9. dodaju se alineje 10. i 11. koje glase:

„ - bivši logoraši, uz člansku kartu jednog od udruženja logoraša u Bosni i Hercegovini“,

„ - penzioneri sa najnižom penzijom, uz ček od penzije“.

U stavu 3. istog člana riječi: „broj 6/06 i 9/07“ zamjenjuju se riječima: „ broj: 1/14“.

Član 6.

U članu 19. stav 1. riječi „Služba za privredu, finansije i opću upravu“ zamjenjuju se riječima „Služba za budžet, finansije i društvene djelatnosti“.

Član 7.

Stupanjem na snagu ove Odluke prestaje da važi Tarifa Općinskih administrativnih taksa („Sl. glasnik Općine Breza“, broj: 14/14 – Prečišćeni tekst), a nova Tarifa Općinskih administrativnih taksi je sastavni dio Ove Odluke.

Član 8.

Ova Odluka stupa na snagu narednog dana od dana objavljivanja u „Službenom glasniku Općine Breza“.

Broj: 01/1-02-_____/18
Breza, __. __. 2018. godine.

Predsjedavajući
Općinskog vijeća
Vedad Jusić s.r.

TARIFA OPĆINSKIH ADMINISTRATIVNIH TAKSI

I - PODNESCI

Tarifni broj 1.

Na zahtjeve, molbe, prijedloge, prijave i druge podneske, ako ovim Tarifama nije propisana druga taksa plaća se 3,00KM

NAPOMENA:

Taksa po ovom Tarifnom broju ne plaća se na podneske kojima stranka zahtjeva brže postupanje po ranije podnesenom zahtjevu.

Tarifni broj 2.

Za žalbu protiv rješenja.....10,00KM

II - RJEŠENJA

Tarifni broj 3.

1. Za sva rješenja za koja nije propisana posebna taksa20,00KM

NAPOMENA:

1. Ako se donosi jedno rješenje po zahtjevu više lica, taksa po ovom tarifnom broju plaća se solidarno.

2. Ne plaća se taksa za rješenja donesena po žalbama.

III – TAKSE IZ OBLASTI PRIVREDE

Tarifni broj 4:

1. Za izdavanje rješenja o ispunjavanju minimalnih i drugih uslova ugostiteljskih objekata (pravna i fizička lica).....50,00 KM
2. Za izdavanje rješenja za osnivanje ugostiteljske radnje i pružanje ugostiteljskih usluga.....100,00 KM
3. Za izdavanje rješenja za osnivanje trgovačke radnje.....100,00 KM
4. Za izdavanje rješenja za obavljanje trgovačke djelatnosti – trgovac pojedinac.....50,00 KM
5. Za izdavanje rješenja za osnivanje obrtničke radnje-obavljanje obrtničke, srodne i poljoprivredne djelatnosti.....50,00 KM
6. Za izdavanje saglasnosti za uplatno mjesto kladionice.....50,00 KM
7. Za izdavanje odobrenja za obavljanje javnog prijevoza putnika, taksiprijevoza, javnog prijevoza tereta i prijevoza za vlastite potrebe.....50,00 KM
8. Za izdavanje odobrenja za raspored na taksistajalište.....20,00 KM

Tarifni broj 5:

1. Za izdavanje rješenja o promjenama u radu.....50,00 KM
2. Za izdavanje rješenja o utvrđivanju trajnog prestanka rada.....20,00 KM
3. Za izdavanje rješenja o privremenoj obustavi rada.....30,00 KM
4. Za izdavanje rješenja za produženo radno vrijeme.....50,00 KM
5. Ostale promjene nastale u toku rada.....50,00 KM

Tarifni broj 6:

1. Za prijavu nastavka rada po privremenoj obustavi30,00 KM
2. Za obavijest o početku rada privrednog društva(trgovina).....30,00 KM

Tarifni broj 7:

1. Za izdavanje uvjerenja iz evidencije samostalnih privrednika.....5,00 KM
2. Za ovjeru normativa u ugostiteljskoj djelatnosti.....5,00 KM
3. Za ovjeru cjenika u ugostiteljskoj djelatnosti.....5,00 KM

Tarifni broj 8:

1. Za izdavanje prethodne vodne saglasnosti.....30,00 KM
2. Za izdavanje vodne saglasnosti.....30,00 KM
3. Za izdavanje vodne dozvole.....30,00 KM

Tarifni broj 9:

1. Za izdavanje rješenja za prokop cestovnog pojasa20,00 KM

IV. UVJERENJA

Tarifni broj 10.

Za uvjerenja koja se izdaju na osnovu službene evidencije, ako nije drugačije propisano se plaća taksa u iznosu5,00KM

V. TAKSE IZ OBLASTI MATIČNE EVIDENCIJE

Tarifni broj 11.

1. Za izdavanje izvoda iz matične knjige rođenih.....4,00 KM
2. Za izdavanje izvoda iz matične knjige vjenčanih4,00 KM
3. Za izdavanje izvoda iz matične knjige umrlih4,00 KM
4. Za izdavanje uvjerenja iz evidencije državljana4,00 KM
5. Za izdavanje izvoda i uvjerenja na internacionalnim obrascima 10,00 KM
6. Za ostala uvjerenja- potvrde, ako nije drugačije propisano5,00 KM
7. Za vjenčanje radnim danom 20,00 KM
8. Za vjenčanje subotom i nedjeljom30,00 KM

- | | |
|---|-----------|
| 9. Za vjenčanje van prostorija Općine Breza do 19,00 sati | 100,00 KM |
| 10. Za vjenčanje van prostorija Općine Breza poslije 19,00 sati | 150,00 KM |

NAPOMENA: Vjenčanje četvrtkom u toku radnog vremena je besplatno.

VI. OVJERE

Tarifni broj 12.

- | | |
|--|----------|
| 1. Za ovjeru potpisa, po svakom potpisu | 5,00 KM |
| 2. Za ovjeru kopija i rukopisa po stranici originala | 1,00 KM |
| 3. Za ovjeru autentičnosti rukopisa ili potpisa na punomoći | 5,00 KM |
| 4. Za ovjeru kopija rješenja o registraciji privrednog
društva (bez obzira na broj stranica)..... | 5,00 KM |
| 5. Za ovjeru kopija lične karte, putne isprave, iskaznice, legitimacije, vozačke i
saobraćajne dozvole i slično | 2,00 KM |
| 6. Za ovjeru izjave o zajedničkom domaćinstvu (kućna lista) | 2,00 KM |
| 7. Za ovjeru potpisa i rukopisa van službenih prostorija, po svakom potpisu | 10,00 KM |
| 8. Za izdavanje potvrda o porodičnom stanju za inostranstvo | 10,00 KM |

NAPOMENA:Prilikom ovjere više primjeraka istih dokumenata i akata svaki sljedeći primjerak se plaća po 1,00KM.

Prilikom ovjere kopija,rukopisa i prijepisa pisanih na stranom jeziku plaća se dvostruka taksa iz ovog tarifnog broja.

Tarifni broj 13.

- | | |
|--|----------|
| 1. Za izradu prijepisa službenih akata po stranici prijepisa | 10,00 KM |
|--|----------|

VII. ARHIVA

Tarifni broj 14.

- | | |
|--|----------|
| 1. Za izdavanje kopija dokumenata iz općinske arhive | 10,00 KM |
| 2. Za dostavljanje informacije po Zakonu o slobodi pristupa informacijama
plaća se za svaku stranicu standardne veličine koja prelazi 10 prvih
besplatnih stranica | 0,50 KM |
| 3. Po disketi za elektronsku dokumentaciju | 5,00 KM |

VIII. TAKSE IZ OBLASTI PROSTORNOG UREĐENJA I GRAĐENJA

Tarifni broj: 15.

- | | |
|--|-------------------|
| 1. Za izdavanje odobrenja za građenje, promjenu namjene izgrađenih objekata,
odobrenja za upotrebu izgrađenih objekata, plaća se taksa prema investicionoj
vrijednosti objekata..... | 0,50/00 (promila) |
| 2. Za izdavanje rješenja o o urbanističkoj saglasnosti..... | 10,00 KM |

3. Za izradu stručnog mišljenja i izvoda iz plana prostornog uređenja, u postuku izdavanja rješenja o urbanističkoj saglasnosti iz nadležnosti Ministarstva za prostorno uređenje, promet i komunikacije i zaštitu okoline ZE-DO kantona, ako se zahtjev podnosi putem Službe za prostorno uređenje, zaštitu okolice, geodetske i imovinsko-pravne poslove.....10,00 KM
4. Za izdavanje izvoda iz plana prostornog uređenja po jednoj katastarskoj čestici.....3,00 KM
5. Za izradu ažurne geodetske podloge sa ucrtanom građevinom (poslovni i stambeno-poslovni objekti).....50,00 KM
6. Za izradu ažurne geodetske podloge sa ucrtanom građevinom (ostale vrste objekata).....30,00 KM
7. Za izdavanje potvrde o udaljenosti uplatnog mjesta kladionice od vjerskih i školskih objekata 20,00 KM

Napomena:

Taksa po ovom Tarifnom broju ne može iznositi više od 300,00 KM.

Obrazloženje

Pravni osnov

Pravni osnov za donošenje Odluke o izmjenama i dopunama Odluke o općinskim administrativnim taksama utvrđen je u:

- članu 13. stav 1. tačka c. Zakona o pripadnosti javnih prihoda u Federaciji BiH („Službene novine FBiH”, broj: 22/06, 43/08, 22/09), a koji glasi:

„Pored udjela u raspodjeli prihoda iz člana 6. ovog Zakona, jedinicama lokalne samouprave pripadaju i drugi javni prihodi kako slijedi:

c) naknade i takse u skladu sa propisima jedinica lokalne samouprave;“

- članu 36. Zakona o principima lokalne samouprave u Federaciji Bosne i Hercegovine („Službene novine FBiH”, broj: 49/06, 51/09), a koji glasi:

„U zakonom propisanim okvirima jedinice lokalne samouprave donose propise o naknadama i taksama, kao i provedbene propise o oporezivanju.“

- članu 37. Zakona o principima lokalne samouprave u Federaciji Bosne i Hercegovine („Službene novine FBiH”, broj: 49/06, 51/09), a koji glasi:

„Jedinicama lokalne samouprave pripadaju prihodi:

a) vlastiti prihodi:

- porezi za koje jedinice lokalne samouprave samostalno određuju stopu u skladu sa zakonom,

- lokalne takse i naknade čije iznose utvrđuje vijeće u skladu sa zakonom,

- kazne i kamate u skladu sa zakonom,

- prihod od upotrebe i prodaje imovine,

- prihod od preduzeća i drugih pravnih lica u vlasništvu jedinice lokalne samouprave, kao i prihod od koncesija u skladu sa zakonskim propisima,

- darovi, nasljedstva, pomoći i donacije,

- prihodi od samodoprinosu,

- prihodi od budžetskih korisnika,

- drugi prihodi utvrđeni zakonom ili odlukom vijeća;“

- članu 19. stav 1. tačka 6. Statuta općine Breza („Službeni glasnik općine Breza”, broj 14/14 – Prečišćeni tekst), a koji glasi:

„Općinsko vijeće u okviru svoje nadležnosti:

6. donosi propise o porezima, taksama, naknadama i doprinosima Općine u skladu sa zakonom;“.

Razlozi za donošenje

Pokretanje postupka izmjena i dopuna Odluke o općinskim administrativnim taksama („Sl. glasnik Općine Breza”, broj 14/14 – Prečišćeni tekst) inicirano je iz razloga usaglašavanja pomenute Odluke sa odredbama Zakona o unutrašnjoj trgovini, Zakona o obrtu i srodnim djelatnostima, Zakona o ugostiteljskoj djelatnosti, Zakona o igrama na sreću, Odluke o organizaciji i načinu obavljanja taksiprijevoza putnika na području Zeničko-dobojskog kantona kojima su do donošenja navedenih zakona dotadašnje nadležnosti općinskih službi prenesene u nadležnost kantonalnih odnosno federalnih ministarstava, a neke nadležnosti su prenesene u nadležnost općinskih službi.

Također, pojedine takse propisane dosadašnjom tarifom nisu bile usklađene sa odredbama određenih zakona, te je bilo problema u primjeni, odnosno naplati taksi.

U Odluci o općinskim administrativnim taksama-Prečišćeni tekst(„Sl. glasnik Općine Breza“, broj 14/14) određene kategorije stanovništva nisu bile oslobođene plaćanja administrativnih taksi, a iste je bilo potrebno osloboditi zbog njihovog statusa (logoraši iz proteklog rata, penzineri sa minimalnom penzijom).

S tim u vezi izvršene su sljedeće izmjene:

OBLAST PRIVREDE

1. U Odluci o izmjenama i dopunama odluke o općinskim administrativnim taksama, u Tarifi Općinskih administrativnih taksi, obedinjena su poglavlja III – Takse koje plaćaju privredna društva u postupku utvrđivanja ispunjenosti potrebnih uslova obavljanja registrovane djelatnosti i IV – Takse iz oblasti samostalnog obavljanja privrednih djelatnosti koje su propisane dosadašnjom odlukom, u poglavlje III – TAKSE IZ OBLASTI PRIVREDE, te su pojedini tarifni brojevi brisani iz Odluke budući da je došlo do promjene zakonskih propisa koji uređuju navedenu pravnu oblast. Brisani su tarifni broj 4. jer Općina Breza nema nadležnosti nad utvrđivanjem ispunjavanja potrebnih uslova za rad privrednih društava, osim utvrđivanja minimalnih i drugih uslova nekategorisanih ugostiteljskih objekata, a koji je bio propisan tarifnim brojem 5., te je isti uvršten u tarifni broj 4. Tarife ove Odluke.
2. Izmjene visine administrativnih taksi prvenstveno se odnose na taksu na izdavanje rješenja o ispunjavanju minimalnih i drugih uslova nekategorisanih ugostiteljskih objekata, umjesto 200,00 KM propisana je visina od 50,00 KM. Ovaj tarifni broj je izmijenjen iz razloga što je u navedenom postupku utvrđivanja minimalnih i drugih uslova ugostiteljskih objekata visina naknade za rad Komisije za utvrđivanje minimalnih i drugih uslova nekategorisanim ugostiteljskih objekata bila obuhvaćena ovom taksom, te Komisija za svoj rad nije dobivala naknadu koja bi joj prema Zakonu o ugostiteljskoj djelatnosti trebala pripadati. Imajući u vidu navedeno, taksa na Rješenje o utvrđivanju minimalnih uslova nekategorisanih ugostiteljskih objekata propisana je u iznosu od 50,00 KM.
3. U Odluci o izmjenama i dopunama odluke o općinskim administrativnim taksama izvršena je dopuna te utvrđena visina taksi na rješenja za obavljanje trgovačke djelatnosti – trgovac pojedinac u iznosu od 50,00 KM, za izdavanje saglasnosti za uplatno mjesto kladionice u iznosu od 50,00 KM, za utvrđivanje rasporeda na taksistajalište u iznosu od 20,00 KM, te za izdavanje rješenja za prokop cestovnog pojasa u iznosu od 20,00 KM.

OBLASTI MATIČNE EVIDENCIJE

1. U Tarifnom broju 11., pored dosadašnjih taksi, propisane su takse za vjenčanja, što dosadašnjom tarifom nije bilo obuhvaćeno odnosno propisano, i to za vjenčanje radnim danom u visini od 20,00 KM, za vjenčanje subotom i nedjeljom u visini od 30,00 KM, za vjenčanje van prostorija Općine Breza do 19,00 sati u visini od 100,00 KM te za vjenčanje van prostorija Općine Breza poslije 19,00 sati u visini od 150,00 KM.

OBLAST PROSTORNOG UREĐENJA I GRAĐENJA

1. U tarifnom broju 15., pored dosadašnjih taksi, propisane su dopune koje se prvenstveno se odnose na izradu stručnog mišljenja i izvoda iz plana prostornog uređenja, u postuku izdavanja rješenja o urbanističkoj saglasnosti iz nadležnosti Ministarstva za prostorno uređenje, promet i komunikacije i zaštitu okoline ZE-DO kantona, ako se zahtjev podnosi putem Službe za prostorno uređenje, zaštitu okolice, geodetske i imovinsko-pravne poslove u iznosu od 10,00 KM., te dopuna koja se odnosi na taksu za izdavanje potvrde o udaljenosti uplatnog mjesta kladionice od vjerskih i školskih objekata u iznosu od 20,00 KM.
2. Takođe, došlo je do izmjene visine takse na izvod iz plana prostornog uređenja, umjesto 5,00 KM, propisana je taksa u iznosu od 3,00 KM na izvod iz plana prostornog uređenja po jednoj katastarskoj čestici.

Uzimajući u obzir sve navedeno predlaže se Općinskom vijeću Breza usvajanje prijedloga ove Odluke.

SLUŽBA ZA PRIVREDU

Salih Hasanspahić